



12
2921
5

正

司馬政官之屬

司馬政官之屬

司馬政官之屬

去五味均平藏

周禮卷二十八

漢大司農北海鄭

玄註

皇明 後學東吳葛 彙訂

司馬政官之屬

惟王建国辨方正位體國經野設官分職以為民極乃立夏官司馬使帥其屬而掌邦政以佐王平邦國

政正也政所以正不正者也孝經說曰政者正也正德各以行道

政官之屬大司馬卿一人小司馬中大夫二人軍司馬下大夫四人興司馬上士八人行司馬中士十有六人旅下士三十有二人

周禮

卷二十八

司馬政官之屬

一

承義堂

承義堂

府六人。史十有六人。胥三十有二人。徒三百有二十人。

典衆也。行謂軍行列。晉作六軍而有三行。取各於此。行戶剛反。

凡制軍。萬有二千五百人爲軍。王六軍。大國三軍。次國二軍。小國一軍。軍將皆命卿。二千有五百人爲師。師帥皆中大夫。五百人爲旅。旅帥皆下大夫。百人爲卒。卒長皆上士。二十五人爲兩。兩司馬皆中士。五人爲伍。伍皆有長。

軍師旅卒兩伍皆衆名也。伍一比兩。一閭。卒一旅。旅一黨。師一州。軍一鄉。家所出一人。將帥長司馬者。其師吏也。言軍將皆命卿。則凡軍帥不特置選於六官。六鄉之吏自卿以下。德任者使兼官焉。鄭司農云。王六軍。大國三軍。次國二軍。小國一軍。故春秋傳有大國次國小國。又曰。成國不過半天子之軍。周爲六軍。諸侯之大者三軍可也。詩大雅常武曰。赫赫明明。王命卿士。南

仲大祖。大帥皇父。整我六師。以修我戎。既徹旣戒。惠此南國。大雅文王曰。周王于邁。六師及之。此周爲六軍之見于經也。春秋傳曰。王使虢公命曲沃伯以一軍爲晉侯。此小國二軍之見于傳也。百人爲卒。二十五人爲兩。故春秋傳曰。廣有一卒。卒偏之兩。將子丘反。凡軍將帥之類。故此帥所類反長。丁亥反。此毗志反。大祖音泰。下大師大僕同。父音甫。

一軍則二府六史。胥十人。徒百人。

故書勳作勳。鄭司農云。勳讀爲勳。勳功也。此官主功賞。故曰掌六鄉賞地之法。以等其功。

馬質中士二人。府一人。史二人。賈四人。徒八人。

質平也。主買馬。平其大小之賈直。

量人下士二人。府一人。史四人。徒八人。

量猶度也謂以丈尺度地。○量音亮度待洛反。

小子下士二人史一人徒八人。

小子主祭祀之小事。

羊人下士二人史一人賈二人徒八人。

司燿下士二人徒六人。

故書燿為煇杜子春云燿當為燿書亦或為燿燿為私火玄謂燿讀如予若觀火之觀今燕俗名湯熱為觀則燿火謂熱火與。○燿古喚反煇哉約反李。又音灼觀古喚反下同。

掌固上士二人下士八人府二人史四人胥四人徒四十人。

固國所依阻者也國曰固野曰險易曰王公設險以守其國。

司險中士二人下士四人史二人徒四十人。

掌疆中士八人史四人胥十有六人徒百有六十人。

疆界也。疆居良反。

候人上士六人下士十有二人史六人徒百有二十人。

候候迎賓客之來者。

環人下士六人史二人徒十有二人。

環猶卻也以勇力卻敵。○卻起略反。

挈壺氏下士六人史二人徒十有二人。

挈讀如繫髮之繫壺盛水器也。世主挈壺水以為漏。○盛音成。

射人下大夫二人。上士四人。下士八人。府二人。史四人。胥一人。徒二十人。

服不氏下士一人。徒四人。

服不氏。服不之獸者。

射鳥氏下士一人。徒四人。

射食亦反。

羅氏下士一人。徒八人。

能以羅網搏鳥者。郊特牲曰。大羅氏。天子之掌鳥獸者。搏音博。本又作捕。

掌畜下士二人。史二人。胥一人。徒二十人。

畜謂斂而養之。畜許六反。

司士下大夫二人。中士六人。下士十有二人。府二人。史四人。胥四人。徒四十人。

諸子下大夫二人。中士四人。府一人。史二人。胥一人。徒二十人。

諸子。主公卿大夫士之子者。或曰庶子。

司右。上士二人。下士四人。府四人。史四人。胥八人。徒八十人。

右謂有勇力之士。充王車右。

虎賁氏下大夫二人。中士十有二人。府二人。史八人。胥八十人。虎士八百人。

不言徒曰虎士則虎士徒之選有勇力者○賁音奔

旅賁氏中士二人下士十有六人史二人徒八人

節服氏下士八人徒四人

世為王節所衣服○為干儻

方相氏狂夫四人

方相猶言放想可畏怖之貌○放想方丈反

太僕下大夫二人小臣上士四人祭僕中士六人御僕下士十有

二人府二人史四人胥二人徒三十人

僕侍御於尊者之名大僕其長也

隸僕下士二人府一人史二人胥四人徒四十人

此吏而曰隸以其事繁

弁師下士二人工四人史二人徒四人

弁者古冠之大稱委貌緇布曰冠

司甲下大夫二人中士八人府四人史八人胥八人徒八十人

甲今之鎧也司甲兵戈盾官之長○鎧苦愛反盾常允反又音允

司兵中士四人府二人史四人胥二人徒二十人

司戈盾下士二人府一人史二人徒四人

戈今時句予戟○句予古侯反下音結

司馬

司馬政官之屬

左

大司馬

司弓矢下大夫二人中士八人府四人史八人胥八人徒八十人

司弓矢弓弩矢箠官之長○箠音服

繕人上士二人下士四人府一人史二人胥二人徒二十人

繕之言勁也善也

橐人中士四人府二人史四人胥二人徒二十人

鄭司農云橐讀為芻橐之橐箭幹謂之橐此官主弓弩箭矢故謂之橐人○橐古老反

戎右中大夫二人上士二人

右者參乘此充戎路之右田獵亦為之右焉○乘繩證反

齊右下大夫二人

一八中二人齊四人

充玉路金路之右○齊側皆反下齊僕同

道右上士二人

充象路之右

大馭中大夫二人

馭之最尊

戎僕甲大夫二人

馭言僕者此亦侍御於車

齊僕下大夫二人

古者王將朝覲會同必齊所以敬宗廟及神明○朝直遙反

道僕上士十有二人。

王朝朝莫夕主御王以與諸臣行先王之道。朝朝上如字下直遙反莫音暮。

田僕上士十有二人。

馭夫中士二十人下士四十人。

校人甲大夫二人上士四人下士十有六人府四人史八人胥八人徒八十人。

校之為言校也主馬者必仍校視之以人馬官之長。校戶教反。

趣馬下士阜一人徒四人。

趣馬趣養馬者也鄭司農說以詩曰蹶維趣馬。趣七口反阜才早反。

巫馬下士二人醫四人府一人史二人賈一人徒二十人。

巫馬知馬祖先牧馬社馬步之神者馬疾若有犯焉則知之是以使與醫同職。

牧師下士四人胥四人徒四十人。

主牧放馬而養之。

廋人下士閑二人史二人徒二十人。

廋之言數。

圉師乘一人徒二人圉人良馬匹一人駑馬麗一人。

養馬曰圉四馬為乘良善也麗耦也。

職方氏中大夫四人下大夫八人中士十有六人府四人史十有

同豐

卷五 司馬政官之屬

七

承懷堂

六人胥十有六人徒百有六十人。

職主也。主四方之職貢者。職方氏主四方官之長。

士方氏上士五人下士十人府二人史五人胥五人徒五十人。

士方氏主四方邦國之土地。

懷方氏中士八人府四人史四人胥四人徒四十人。

懷來也。主來四方之民及其物。

合方氏中士八人府四人史四人胥四人徒四十人。

合方氏主合同四方之事。

訓方氏中士四人府四人史四人胥四人徒四十人。

訓道也。主教道四方之民。

形方氏中士四人府四人史四人胥四人徒四十人。

形方氏主制四方邦國之形體。

山師中士二人下士四人府二人史四人胥四人徒四十人。

川師中士二人下士四人府二人史四人胥四人徒四十人。

邊師中士四人下士八人府四人史八人胥八人徒八十人。

邊地之廣平者。○邊音原。

匡人中士四人史四人徒八人。

匡正也。主正諸侯以法則。

司農

司馬政官之屬

人

考禮

擇人中士四人史四人徒八人。

擇人主擇序主意以語天下。○擇他南反。

都司馬每都上士二人中士四人下士八人府二人史八人胥八

人徒八十人。

都王子弟所封及三公采地也。司馬主其軍賦。

冢司馬各使其臣以正於公司馬。

冢卿大夫采地正猶聽也。公司馬國司馬也。卿大夫之采地王不特置司馬各自使其家臣為司馬主其地之軍賦往聽政於王之司馬王之司馬其以王命來有事則曰國司馬。

周禮卷二十八終

周禮卷二十九

漢大司農北海鄭玄註

皇明後學東吳金蟠訂

司馬政官之職

大司馬之職掌建邦國之九灋以佐王平邦國。

平成也。正也。

制畿封國以正邦國。

封謂立封於疆為界。○畿音祈。

設儀辨位以等邦國。

司禮

司馬政官之職

永懷堂

儀謂諸侯及諸臣之儀，辨別也，別尊卑之位。

進賢興功以作邦國。

興猶舉也，作起也，起其勸善樂業之心，使不惰廢。

建牧立監以維邦國。

牧州牧也，監監一國，謂君也，維猶連結也。

制軍詰禁以糾邦國。

詰猶窮治也，糾猶正也。

施貢分職以任邦國。

職謂職稅也，任猶事也，事以其力之所堪。

簡稽鄉民以用邦國。

簡謂比數之稽，猶計也。○鄉許亮反。

均守平則以安邦國。

諸侯有土地者均之，尊者守大卑者守小，則法也。

比小事大以和邦國。

比猶親使，大國親小國，小國事大國，相合和也。易比象曰：先王以建萬國，親諸侯。○比毗志反。

以九伐之濇正邦國。

諸侯有違王命，則出兵以征伐之，所以正之也。諸侯之干國如樹木之有根本，是以言伐云。

馮弱犯寡則胥之。

周禮

卷五 司馬政官之職

二

禮記

馮猶乘陵也言不字小而侵侮之背猶人背瘦也王霸記曰四面削其地○馮皮冰反

賊賢害民則伐之

春秋傳曰粗者曰侵精者曰伐又曰有鐘鼓曰伐則伐者兵入其竟鳴鐘鼓以往所以聲其罪○竟音境

暴內陵外則壇之

內謂其國外謂諸侯壇讀如同墀之墀王霸記曰置之空墀之地鄭司農云壇讀從墀之以威之懾書亦或為墀玄謂置之空墀以出其君更立其次賢者○墀音善

野荒民散則削之

荒蕪也田不治民不附削其地明其不能有

負固不服則侵之

負猶恃也固險可依以固者也不服不事大也侵之者兵加其竟而已用兵淺者詩曰密人不恭敢距大邦

賊殺其親則正之

正之者執而治其罪王霸記曰正殺之也春秋僖二十八年冬晉人執衛侯歸之于京師坐殺其弟叔武

放弑其君則殘之

放逐也殘殺也王霸記曰殘滅其為惡

犯令陵政則杜之

令猶命也王霸記曰犯令者違命也陵政者輕政廢不循也杜之者杜塞使不得與隣國交通

外內亂鳥獸行則滅之

王霸記曰悖人倫外內無以異于禽獸不可親百姓則誅滅去之也曲禮曰夫雉禽獸無禮故父子聚麀○行下孟反去起呂

反夫音符
麾于牛反

正月之吉始和布政于邦國都鄙乃縣政象之濔于象魏使萬民觀政象挾日而欽之

以正月朔日布王政于天下至正歲又縣政濔之書挾日十日也○縣音玄

乃以九畿之籍施邦國之政職方千里曰國畿其外方五百里曰侯畿又其外方五百里曰甸畿又其外方五百里曰男畿又其外方五百里曰采畿又其外方五百里曰衛畿又其外方五百里曰蠻畿又其外方五百里曰夷畿又其外方五百里曰鎮畿又其外方五百里曰藩畿

畿猶限也自王城以外五千里為界有分限者九籍其禮差之書也政職所共王政之職謂賦稅也故書畿為近鄭司農云近當言畿春秋傳曰天子一畿列國一同等殷頌曰邦畿千里維民所止○分符問反共音恭凡供字皆作共後倣此

凡令賦以地與民制之上地食者參之二其民可用者家三人中地食者半其民可用者二家五人下地食者參之一其民可用者家二人

賦給軍用者也令邦國之賦亦以地之美惡民之衆寡為制如六遂矣鄭司農云上地謂肥美田也食者參之二假令一家有三頃歲種二頃休其一頃下地食者參之一田薄惡者所休多○令力呈反

中春教振旅司馬以旗致民平列陳如戰之陳

以旗者立旗期民于其下也兵者守國之備孔子曰以不教民戰是謂棄之兵者凶事不可空設因蒐狩而習之凡師出曰治

兵入日振旅皆習戰也四時各教民以其一焉春習振旅兵入收衆專於農平猶正也○中音仲陳直觀反

辨鼓鐸鑼鏡之用王執路鼓諸侯執賁鼓軍將執晉鼓師帥執提旅帥執鼙卒長執鏡兩司馬執鐸公司馬執鑼

鼓人職日以路鼓鼓鬼享以賁鼓鼓軍事以晉鼓鼓金奏以金鏡止鼓以金鐸通鼓以金鑼節鼓鄭司農云辨鼓鐸鑼鏡之用謂鉦鐸之屬鑼讀如濁其源之濁鏡讀如謹曉之曉提讀如攝提之提謂馬上鼓有曲木提持鼓立馬髦上者故謂之提杜子春云公司馬謂五人為伍伍之司馬也玄謂王不執賁鼓尚之於諸侯也伍長謂之公司馬者雖卑同其號○鑼直角及鏡女交反賁扶云反鼙薄兮反鉦音征謹火官反曉女交反

以教坐作進退疾徐疏數之節

習戰法○數音朔

遂以蒐田有司表貉誓民鼓遂圍禁火弊獻禽以祭社

春田為蒐有司大司徒也掌太田役治徒庶之政令表貉立表而貉祭也誓民誓以犯田灋之罰也誓曰無于車無自後射立旌遂圍禁旌弊爭禽而不審者罰以假馬禁者虞衛守禽之厲禁也既誓令鼓而圍之遂蒐田火弊火止也春田主用火因焚萊除陳草皆殺而火止獻猶致也屬也田止虞人植旌衆皆獻其所獲禽焉詩云言思其猷獻肩于公春田主祭社者土方施生也鄭司農云貉讀為禡禡謂師祭也書亦或為禡○貉莫駕反縱子工反肩詩作研音同施式政反禡莫駕反

中夏教茷舍如振旅之陳羣吏撰車徒讀書契辨號名之用帥以門名縣鄙各以其名家以號名鄉以州名野以邑名百官各象其事以辨軍之夜事其他皆如振旅

茷讀如萊浦之浦茷舍草止之也軍有草止之灋撰讀日算算車徒謂數擇之也讀書契以簿書按錄軍實之凡要號名者微

識所以相別也。鄉遂之屬謂之名家之屬謂之號。百官之屬謂之事。在國以表朝位。在軍又象其制而為之。被之以備。或事帥謂軍將。父師帥亦帥至伍長也。以門名者。所被徽識。如其在門所樹者也。凡此言以也。象也。皆謂其制同耳。軍將皆命卿。古者軍將蓋為營治於國門。魯有東門襄仲。宋有桐門右師。皆上卿為軍將者也。縣鄙謂縣正。鄙師至鄰長也。家謂食采地者之臣也。鄉以州名。亦謂州長。至比長也。野謂公邑。大夫百官以其職從王者。此六者皆書其官與名氏焉。門則襄仲右師明矣。鄉則南鄉。魏東鄉為人是也。其他象此云某某之名。某某之號。某某之事而已。未盡聞也。鄉遂大夫文錯不見。以其素信于民。不為軍將。或為諸帥。是以闕焉。夜事戒夜守之事。草止者。慎于夜。于是主別其部職。○芟蒲未反。撰息轉反。識音志。甄直偽反。

遂以苗田。如蒐之灋。車弊。獻禽以享祔。

夏田為苗。擇取不孕任者。若治苗去不秀實者。云車弊。驅獸之車止也。夏田主用車。示所取物希。皆殺而車止。王制曰。天子殺則下大綏。諸侯殺則下小綏。大夫殺則止佐車。佐車止則百姓田獵。祔宗廟之夏祭也。冬夏田主于祭宗廟者。陰陽始起。象神

之在內。○
祔餘若反。

中秋教治兵。如振旅之陳。

辨旗物之用。王載大常。諸侯載旂。軍吏載旗。師都載旛。鄉遂載物。

郊野載旒。百官載旟。各書其事。與其號焉。其他皆如振旅。

軍吏諸軍帥也。師都遂大夫也。鄉遂鄉大夫也。或載旛。或載物。眾屬軍吏無所將也。郊謂鄉遂之州長。縣正以下也。野謂公邑大夫。載旒者。以其將。羨卒也。百官。卿大夫也。載旟者。以其屬。衛王也。凡旌旗。有軍旅者。畫異物。無者。帛而已。書當為畫事也。號也。皆畫以雲。氣。○書音畫。

遂以獮田。如蒐之灋。羅弊。致禽以祀祔。

秋田為獮。獮殺也。羅弊。罔止也。秋田主用罔。中殺者。祔也。皆殺而罔止。祔當為方聲之誤也。秋田主祭四方。報成萬物。詩曰。以

社以友○猶息
淺反初音方

中冬教大閱

春辨鼓鐸夏辨號名秋辨旗物至冬大閱簡軍實凡頒旗物以
出軍之旗則如秋以尊卑之常則如冬司常左司馬時也大閱
備軍禮而旌旗不如出軍
之時空辟實○辟音避

前期羣吏戒衆庶脩戰灋

羣吏鄉
師以下

虞人萊所田之野為表百步則一為三表又五十步為一表田之
日司馬建旗于後表之中羣吏以旗物鼓鐸鑼各帥其民而致
質明弊旗誅後至者乃陳車徒如戰之陳皆坐

鄭司農云虞人萊所田之野芟除其草萊令車得驅馳詩曰田
卒汚萊玄謂萊芟除可陳之處後表之中五十步表之中央表
所以識正行列也四表積二百五十步左右之廣當容三軍步
數未聞致致之司馬質正也弊仆也皆坐當聽誓○芟所銜反
令力呈反
行戶剛反

羣吏聽誓于陳前斬牲以左右徇陳曰不用命者斬之

羣吏諸軍帥也陳前南面鄉表也月令季秋天子教于田獵以
習五戎司徒摺扑北面以誓之此大閱禮實正歲之中冬而說
季秋之政於周為中冬為月令者失之矣斬牲者小子也凡誓
之大略甘誓湯誓之屬是也○鄉許亮及摺劉如字又音箭

中軍以鼙令鼓鼓人皆三鼓司馬振鐸羣吏作旗車徒皆作鼓行
鳴鐻車徒皆行及表乃止三鼓擁鐸羣吏弊旗車徒皆坐

中軍中軍之將也天子六軍三三而居一偏羣吏既聽誓各復
其部曲中軍之將令鼓鼓以作其士衆之氣也鼓人者中軍之

將師帥旅帥也。司馬兩司馬也。振鐸以作衆，作起也。既起，鼓人擊鼓以行之。伍長鳴鐸以節之，伍長一曰公。司馬及表自後表前至第二表也。三鼓者，鼓人也。鄭司農云：「振鐸讀如弄，玄謂如逐鹿之鹿，掩上振之爲振。振者，止行息氣也。」司馬法曰：「鼓聲不過聞，鞞聲不過聞。鐸聲不過聞。」
○撫音鹿，李扶表反，沈音濁。

又三鼓振鐸作旗，車徒皆作鼓進。鳴鐸，車驟徒趨。及表乃止，坐作如初。

趨者，赴敵尚疾之漸也。春秋傳曰：先人有奪人之心。及表自第二前至第三。○先悉薦反。

乃鼓車馳徒走，及表乃止。

及表自第三前至前表。

鼓戒三闕，車三發，徒三刺。

鼓戒，戒攻敵。鼓壹闕，車壹轉，徒壹刺。三而止，象服敵。○闕，苦穴反。

乃鼓退，鳴鏡且卻，及表乃止，坐作如初。

鏡所以止鼓，軍退卒長鳴鏡以和衆，鼓人爲止之也。退自前表至後表，鼓鐸則同習戰之禮，出入一也。異者廢鐸而鳴鏡。○和胡臥反，爲于僞反。

遂以狩田，以旌爲左右和之門，羣吏各帥其車徒，以叙和出左右。陳車徒有司平之，旗居卒間，以分地前後，有屯百步，有司巡其前後，險野人爲主，易野車爲主。

冬田爲狩，言守取之，無所擇也。軍門曰和，今謂之壘門，立兩旌以爲之。叙和出，用次第出和門也。左右，或出而左，或出而右，有司平之。鄉師居門，正其出入之行列也。旗，軍吏所載分地調其部曲疏數前後有屯百步，車徒異羣相去之數也。車徒里出和

司農

司馬政官之職

八

承慶

門鄉師又巡其行陳鄭司農云險野人為主人居前易野車為主車居前○易以鼓反注同

既陳乃設驅逆之車有司表貉于陳前

驅驅出禽獸使趨田者也逆逆要不得今走設此車者田僕也○要於逢反

中軍以鼙令鼓鼓人皆三鼓羣司馬振鐸車徒皆作遂鼓行徒銜

枚而進大獸公之小禽私之獲者取左耳

羣司馬謂兩司馬也枚如箸銜之有繯結項中軍法止語為相疑惑也進行也鄭司農云大獸公之輪之於公小禽私之以自界也詩云言私其豸獻肩于公一歲為豸二歲為豸三歲為豸四歲為肩五歲為慎此明其獻大者於公自取其小者玄謂慎讀為麋爾雅曰豸豸曰豸豸曰麋豸曰麋獲得也得禽獸者取左耳當以計功○繯戶卦反又胡麥反豸音巴麋音辰豸本亦作豸子工反

及所弊鼓皆駮車徒皆譟

鄭司農云及所弊至所弊之處玄謂至所弊之處田所當於止也天子諸侯蒐狩有常至其常處吏士鼓譟象攻敵剋勝而喜也疾雷擊鼓曰駮譟謹也書曰前師乃鼓譟譟亦謂喜也○駮本亦作駮胡楷反鼓音符

徒乃弊致禽饁獸于郊入獻禽以享烝

徒乃弊徒止也冬田主用衆物多故得取也致禽饁獸于郊聚所獲禽因以祭四方神于郊月令季秋天子既田命主祠祭禽四方是也入又以禽祭宗廟○饁干輒反

及師大合軍以行禁令以救無辜伐有罪

師所謂王巡守若會同司馬起師合軍以從所以威天下行其政也不言大者未有敵不尚武○從才用反

若大師則掌其戒令泣大小帥執事泣蠻主及軍器

大師王出征伐也。蒞臨也。臨大。卜出兵吉凶也。司馬法曰。上卜下謀。是謂參之主。謂遷廟之主及社主在軍者也。軍器鼓鐘之屬。凡師既受甲。迎主于廟及社。主視奉以從。殺牲以血塗主及軍器。皆神之。

及致。建大常。比軍衆。誅後至者。

比。或作庇。鄭司農云。致。謂聚衆也。庇。具也。玄謂致。鄉師致民於司馬。比。按次之也。○此必履反。

及戰。巡陳。眡事而賞罰。

事謂戰功也。○眡音視。

若師有功。則左執律。右秉鉞。以先愷樂。獻于社。

功勝也。律所以聽軍聲。鉞所以爲將威也。先猶道也。兵樂曰愷。獻于社。獻功于社也。司馬法曰。得意則愷樂。愷歌。示喜也。鄭司農云。故城濮之戰。春秋傳曰。振旅。愷以入于晉。○道音導。

若師不功。則厭而奉主車。

鄭司農云。厭。謂厭冠。喪服也。軍敗。則以喪禮。故秦伯之敗於敬也。春秋傳曰。秦伯素服郊次。鄉師而哭。玄謂厭。伏冠也。奉猶送也。送主歸于廟與社。○厭于涉。反。鄉師許亮反。

王弔勞士。庶子則相。

師敗。王親弔士。庶子之死者。勞其傷者。則相王之禮。庶子。卿大夫之子。從軍者。或謂之庶士。○勞力報反。相息亮反。

大役與慮事。屬其植。受其要。以待攷而賞誅。

大役。築城邑也。鄭司農云。國有大役。大司馬與謀慮其事也。植。謂部曲將吏。故宋城。春秋傳曰。華元爲植。巡功。屬謂聚會之也。要者。簿書也。攷。謂考校其功。玄謂慮事者。封人也。於有役。司馬與之。植。築城植也。屬。賦丈尺。與其用人數。○與慮音預。注與謀。同。屬音燭。植直吏反。藥化戶反。慎音真。

行司馬 闕

司勳掌六鄉賞地之灋以等其功

賞地賞田也在遠郊之內屬六鄉焉等猶差也以功大小為差

王功曰勳

輔成王業若周公

國功曰功

保全國家若伊尹

民功曰庸

法施於民若后稷

事功曰勞

以勞定國若禹

治功曰力

制法成治若咎繇

戰功曰多

寇敵出奇若韓信陳平司馬法曰上多前虜

凡有功者銘書于王之太常祭于大烝司勳詔之

銘之言名也生則書于王旌以識其人與其功也死則於烝先王祭之詔謂告其神以辭也盤庚告其卿大夫曰茲予大享于先王爾祖其從與享之是也今漢祭功臣於廟庭○識音志與音預

大功司勳藏其貳。

貳猶副也。功書藏于天府。又副於此者以其主賞。

掌賞地之政令。

政令謂役賦。

凡賞無常。輕重視功。

無常者功之大小不可豫。

凡頒賞地。參之一食。

鄭司農云。不以美田為采邑。玄謂賞地之稅。參分計稅。王食其一也。二全入於臣。

惟加田無國正。

加田既賞之。又加賜以田。所以厚恩也。鄭司農云。正謂稅也。祿田亦有給公家之賦貢。若今時候國有司農少府錢穀矣。獨加賞之田無正耳。○正音征。少詩照反。

馬質。掌質馬。馬量三物。一曰戎馬。二曰田馬。三曰駕馬。皆有物賈。

此三馬。買以給官府之使。無種也。鄭司農曰。皆有物賈。皆有物色及賈直。○賈音稼。

綱惡馬。

鄭司農云。綱讀為亢。其讎之亢書亦或為亢。亢御也。禁也。禁去惡馬。不畜也。玄謂綱以縻索維綱狎習之。○去起呂反。

凡受馬于有司者。書其齒毛。與其賈。馬死則旬之內。更旬之外。入

馬耳。以其物更其外否。

鄭司農云。更謂償也。玄謂旬之內死者。償以齒毛。與賈受之日。淺春之惡也。旬之外。入馬耳。償以毛色。不以齒賈。任之過其

任也其外者旬之外踰二十日以手身不以言其罪之數其而及不任用非用者罪○更音庚

馬及行則以任齊其行。

識其所載輕重及道里齊其勞逸乃復用之

若有馬訟則聽之。

訟謂賣買之言相負

禁原蠶者。

原再也天文辰為馬蠶書蠶為龍精月直大火則浴其種是蠶與馬同氣物莫能兩大禁再蠶者為傷馬與○為傷于偽反

量人掌建國之灋以分國為九州營國城郭管后宮量市朝道巷

門渠造都邑亦如之。

建立也立國有舊法式若匠人職云分國定天下之國分也后君也言君容王與諸侯○朝直逢反國分扶問反

營軍之壘舍量其市朝州涂軍社之所里。

軍壁曰壘鄭司農云量其市朝州涂還市朝而為道也玄謂州一州之眾二千五百人為師每師一處市也朝也州也皆有道以相之軍社社主在軍者里居也○涂本又作塗

邦國之地與天下之涂數皆書而藏之。

書地謂方圓山川之廣狹書涂謂支湊之遠近

凡祭祀饗賓制其從獻脯燔之數量

鄭司農云從獻者肉殺從酒也玄謂燔從于獻酒之肉炙也數多少也量長短也○炙章夜反

掌喪祭奠窆之俎實

司馬政官之職

竈亦有俎實謂所包遺奠士喪禮下篇曰臧苞筭於旁○竈昌絹反筭所交反

凡宰祭與鬱人受學歷而皆飲之

言宰祭者冢宰佐王祭亦容攝祭鄭司農云學讀如嫁娶之嫁單器名明堂位曰爵夏后氏以琖殷以學周以爵玄謂學讀如暇月之暇宰冢宰○單古雅反琖側產反暇古雅反

小子堂祭祀羞羊肆羊殺肉豆

鄭司農云羞進也羊肆體薦全烝也羊殺體解節折也肉豆者切肉也玄謂肆讀為鬻羊鬻者所謂豚解也○鬻他歷反一音餘四反

而掌珥于社稷祈于五祀

故書祀作禩鄭司農云禩讀為祀書亦或為祀珥社稷以牲頭祭也玄謂珥讀為珥祈或為為剗剗珥者鬻禮之事也用毛牲曰

剗羽牲曰珥珥剗社稷五祀謂始成其宮兆時也春官肆師職祈或作畿秋官士師職曰凡剗珥則奉大牲此剗珥正字與○珥而志反祈音機禩音祀剗音機

凡沈辜侯禳飾其牲

鄭司農云沈謂祭川爾雅曰祭川曰浮沈辜謂磔牲以祭也月令曰九門磔禳以畢春氣侯禳者候四時惡氣禳去之也○禳如羊反磔陟格反

鬯邦器及軍器

邦器謂禮樂之器及祭器之屬雜記曰凡宗廟之器其名者成則鬯之以豕豚○豕音家

凡師田斬牲以左右狗陳

示犯誓必殺之

祭祀贊羞受徹焉。

羊人掌羊牲凡祭祀飾羔。

羔小羊也詩曰四之日其蚤獻羔祭韭

祭祀割羊牲登其首。

登升也升首報陽也升首于室

凡祈理共其羊牲。

共猶給也

賓客共其灋羊。

灋羊發養積膳之羊○日入也灋羊大其於國五宰與○發養本又作食饗音食

周禮

卷三

五

永懷堂

凡沈辜侯禴釁積共其羊牲。

積故書為毗鄭司農云毗讀為漬謂釁國寶漬軍器也○謂積積柴禴祀櫛燂實柴○毗徐賜反與漬同櫛羊久反

若牧人無牲則受布于司馬使其賈買牲而共之。

布泉○賈音古

司燿掌行火之政令四時變國火以救時疾。

行猶用也變猶易也鄭司農說以鄴子曰春取榆柳之火夏取棗杏之火季夏取桑柘之火秋取柞櫛之火冬取槐檀之火○櫛羊久反

季春出火民咸從之季秋內火民亦如之。

火所以用陶冶民隨國而為之鄭人鑄刑書火星未出而出火後有災鄭司農云以三月本時昏心星見于辰上使民出火九

司農

司馬政官之職

六

永懷堂

之者又與掌固帥致之贊佐也○凡守收

書三巡之夜亦如之

巡行也行守者為衆庶之解情○行

夜三鑿以號戒

杜子春云讀鑿為造次之造謂擊鼓行夜戒守也春秋傳所謂
賓將趣者與趣與造音相近故曰終夕與燎玄謂鑿擊鑿警守
鼓也三巡之間又三擊鑿○鑿音
咸造七報反趣莊久反與燎音預

若造都邑則治其固與其守灋

都邑亦
為城郭

凡國都之竟有溝樹之固郊亦如之

竟界也○
竟音境

民皆有職焉

職謂守
與任

若有山川則因之

山川若般
阜河漢

司險掌九州之圖以周知其山林川澤之阻而達其道路

周猶徧也達道路者山林之阻
則開鑿之川澤之阻則橋梁之

設國之五溝五涂而樹之林以為阻固皆有守禁而達其道路

五溝遂溝洫澮川也五涂徑畛涂道路也
樹之林作藩落也○洫況域反澮古外反

司豐

卷三

司馬政官之職

八

承懷堂

國有故則藩塞阻路而止行者以其屬守之唯有節者達之

有故喪災及兵也閉絕要害之道備姦寇也

掌疆

候人各掌其方之道治與其禁令以設候人

道治治道也國語曰候不在竟譏不居其方也禁令備姦寇也以設候人者選士卒以為之詩云彼候人兮何戈與祿○何胡我反殺都外反

若有方治則帥而致于朝及歸送之于竟

方治其方來治國事者也春秋傳曰晉欒盈過周王使候人出諸轅轅是其送之○朝直遙反轅戶關反

環人掌致師

致師者致其必戰之志古者將戰先使勇力之士犯敵焉春秋傳曰楚許伯御樂伯攝叔為右以致晉師許伯曰吾聞致師者御靡旌摩壘而還樂伯曰吾聞致師者左射以藪代御執轡御下柄馬掉鞅而還攝叔曰吾聞致師者右入壘折馘執俘而還皆行其所聞而復之○藪側雷反柄音兩馘古獲反俘音孚

察軍慝

慝陰姦也視軍中有為慝者則執之

環四方之故

卻其以事謀來侵伐者所謂折衝禦侮

巡邦國搏謀賊

謀賊反間為國賊○間問廁之間

司農

卷三

司馬政官之職

九

承慶堂

見示
三
訟敵國

敵國兵來則往之與訟
曲直若齊國佐如師

揚軍旅

為之威武以觀敵詩云
維師尚父時維鷹揚

降圍邑

圍邑欲降者受而降之春秋傳曰
齊人降鄆○降戶江反鄆音章

挈壺氏掌挈壺以令軍井挈轡以令舍挈畚以令糧

鄭司農云挈壺以令軍井謂為軍穿井井成挈壺縣其上令軍
中士眾皆望見知此下有井壺所以盛飲故以壺表井挈轡以
令舍亦縣轡于所當舍止之處使軍望見知當舍止于此轡所
以駕舍故以轡表舍挈畚以令糧亦縣畚于所當稟假之處令

軍望見知當稟假于此下也畚所以盛糧之器故以畚表稟軍
中人多車騎雜會謹置號令不能相聞故各以其物為表省煩
趨疾于事便也○畚音本為于偽反下為沃同縣
音玄下皆同舍力呈反盛音成下同稟彼錦反

凡軍事縣壺以序聚椽凡喪縣壺以代哭者皆以水火守之分以

日夜

鄭司農云縣壺以為漏以序聚椽以次更聚擊椽備守也玄謂
擊椽兩木相敲行夜時也代亦更也禮未大斂代哭以水守壺
者為沃漏也以火守壺者夜則火視刻數也分以日夜者異晝
夜漏也漏之箭晝夜共百刻冬夏之間有長短焉大史立成法
有四十八箭○椽音託更
音庚行下孟反共如字

及冬則以火爨鼎水而沸之而沃之

鄭司農云冬水凍漏不下故以火炊
水沸以沃之謂沃漏也○爨七端反

司農

三

司馬政官之職

十

水

射人掌國之三公孤卿大夫之位三公北面孤東面卿大夫西面其摯三公執璧孤執皮帛卿執羔大夫鴈

位將射始入見君之位不言士者此與諸侯之賓射士不與也燕禮曰公升卽位于席西鄉小臣納卿大夫卿大夫皆入門右北面東上士位于西方東面北上大射亦云則凡朝燕及射臣見于君之禮同○見賢遍反不與音預鄉許亮反朝燕直遙反

諸侯在朝則皆北面詔相其灋

若有國事則掌其戒令詔相其事

謂王有祭祀之事諸侯當助其薦獻者也戒令告以齊與期○齊側皆反

掌其治達

謂諸侯因與王射及助祭而有所治受而達之于王王有命又受而下之

以射灋治射儀王以六耦射三侯三獲三容樂以騶虞九節五正諸侯以四耦射二侯二獲二容樂以貍首七節三正孤卿大夫以三耦射一侯一獲一容樂以采蘋五節二正士以三耦射豻侯一獲一容樂以采蘋五節二正

射法王射之禮治射儀請肆之也鄭司農云三侯虎熊豹也容者乏也待獲者所蔽也九節析羽九重設于長杠也正所射也詩云終日射侯不出正兮二侯熊豹也豻侯豻者獸名也獸有驅豻熊虎玄謂三侯者五正三正二正之侯也三侯者三正二正之侯也一侯者二正而已此皆與賓射於朝之禮也考工梓人職曰張五采之侯則遠國屬遠國謂諸侯來朝者也五采之侯卽五正之侯也正之言正也射者內志正則能中焉畫五正之侯中朱次白次蒼次黃玄居外三正損玄黃二正去白蒼而

司禮

卷三

司馬政官之職

七

承慶堂

尺正 卷三 十一 示

畫以朱綠其外之廣皆居侯中參分之一中二尺今儒家云四尺曰正二尺曰鵠鵠乃用皮其大如正此說失之矣大射禮射作干讀如宜射宜獄之射射胡大也士與士射則以射皮飾侯下大夫也大夫以上與賓射飾侯以雲氣用采各如其正九節七節五節者奏樂以為射節之差言節者容侯道之數也樂記曰明乎其節之志不失其事則功成而德行立○正音征下及注同射五且反劉音鴈重直龍反杜音江樞劬誅反言正音政下志正大射正同能中丁仲反去白起呂反行下孟反

若王大射則狸步張三侯

鄭師農云狸步謂一舉足為一步於今為半步玄謂狸善搏者也行則止而擬度焉其發必獲是以量侯道法之也侯道者各以弓為度九節者九十弓七節者七十弓五節者五十弓弓之下制長六尺大射禮曰大侯九十參七十五十是也三侯者司裘所共虎侯熊侯豹侯也列國之君大射亦張三侯數與天子同大侯熊侯也參讀為糝糝雜也雜者豹鵠而麋飾下天子大夫○度待洛反參讀為糝素感反于與射同五且反

王射則令去侯立于後以矢行告卒令取矢

鄭司農云射人主令人去侯所而立于後也以矢行告射人主以矢行高下左右告于王也大射禮曰夫射正立于公後以矢行告于公下曰留上曰揚左右曰方杜子春說以矢行告告白射事于王王則執矢也杜子春說不與禮經合疑非是也令卒取矢謂射卒射人令當取矢者使取矢也玄謂令去侯者命負侯者去侯也鄉射曰司馬命獲者執旌以負侯

祭侯則為位

祭侯獻服不服不以祭侯為位為服不受獻之位也大射曰服不侯西北三步北面拜受爵

與大史數射中

射中數射者中侯之算也大射曰司射適階西釋弓去扑襲進由中東立于中南北面視算

佐司馬治射正

司馬政官之職

射正射之法儀也

祭祀則贊射牲相孤卿大夫之灋儀

烝嘗之禮有射豕者國語曰禘郊之事天子必自射其牲今立秋有獵劉云○獵力朱反

會同朝覲作大夫介凡有爵者

作讀如作止爵之作諸侯來至王使公卿有事焉則作大夫使之介也有爵者命士以上不使賤者

大師令有爵者乘王之倅車

倅車戎車之副○倅七內反

有大賓客則作卿大夫從

作者選使從王見諸侯○從才用反

戒大史及大夫介

戒戒其當行者觀禮曰諸公奉篋服加命書于其上升自西階東面大史氏右

大喪與僕人遷尸作卿大夫掌事比其廬不敬者苛罰之

僕人大僕也僕人與射人俱掌王之朝位也王崩小斂大斂遷尸于室堂朝之象也檀弓曰扶君卜人師扶右射人扶左君薨以是舉苛謂詰問之○叱叱志反苛呼何反朝直遙反

服不氏掌養猛獸而教擾之

猛獸虎豹熊羆之屬擾馴也教習使之馴服王者之教無不服

凡祭祀共猛獸

謂中膳羞者獸人冬獻狼春秋傳曰熊蹯不熟○蹯音煩

司馬

卷三

司馬政官之職

三

禮記

賓客之事則抗皮

鄭司農云謂賓客來朝聘布皮帛者服不氏主舉藏之抗讀為亢其讎之亢玄謂抗者若聘禮曰有司二人舉皮以東

射則贊張侯以旌居之而待獲

贊佐也大射禮曰命量人中車張三侯杜子春云待當為持書亦或為持之讀為置之之乏持獲者所蔽玄謂持獲待射者中舉旌以獲中丁仲反

射鳥氏掌射鳥

鳥謂中膳羞者鳧鴈鴝鶉之屬射食亦反鳧音扶鴝音保鴝于苗反

祭祀以弓矢毆鳥鳧凡賓客會同軍旅亦如之

鳥鳧善鈔盜使汗人毆起俱反鈔初教反

射則取矢矢在侯高則以并夾取之

鄭司農云主射則射鳥氏主取其矢矢在侯高者矢著侯高人手不能及則以并夾取之并夾鉞箭具夾讀為甲故司弓矢職曰大射燕射共弓矢拜夾著直略反鉞其炎反

羅氏掌羅鳥鳥

鳥謂卑居鵠之屬卑音匹

蜡則作羅襦

作猶用也鄭司農云蜡謂十二月大祭萬物也郊特牲曰天子大蜡謂歲十二月合聚萬物而索饗之襦細密之羅襦讀為縠有衣袖之縠玄謂蜡建亥之月此時火伏蟄者畢矣射既祭獸可以羅網圍取禽也王制曰射祭獸然後田又曰昆蟲已蟄可以火田今俗放火張羅其遺教襦注縠同縠女居反

司馬政官之職

古

示

中春羅春鳥獻鳩以養國老行羽物。

春鳥，鵲而始出者。若今南郡黃雀之屬，是時鷹化為鳩。鳩與春鳥變舊為新，宜以養老，助生氣行，謂賦賜。中音仲。

掌畜掌養鳥而阜蕃教擾之。

阜，猶盛也。蕃，蕃息也。鳥之可養使盛。大蕃息者，謂鷺鷥之屬。鷺音木。

祭祀共卵鳥。

其卵可薦之鳥。

歲時貢鳥物。

鷓鴣之屬，以四時來。

共膳獻之鳥。

雉及鷓鴣之屬。鷓音純，鴣音如。

周禮卷三十

終

Blank area with vertical lines, likely a placeholder for text or a diagram.

周禮卷三十一

漢大司農北海鄭玄註

皇明後學東吳金蟠訂

夏官司馬下

司士掌羣臣之版以治其政令歲登下其損益之數辨其年歲與其貴賤周知邦國都家縣鄙之數卿大夫士庶子之數

損益謂用功過黜陟者縣鄙鄉遂之屬故書版為班鄭司農云班書或為版版名籍

以詔王治

告王所當進退

司農

司馬政官之職

司馬

以德詔爵。以功詔祿。以能詔事。以久奠食。

德謂賢者食稍食也。賢者既爵乃祿之。能者事成乃食之。王制曰。司馬辨論官材。論進士之賢者。以告于王。而定其論。論定然後官之。任官然後爵之。位定然後祿之。○奠音定。乃食音嗣。

惟賜無常。

賜多少由王。不如祿食有常品。

正朝儀之位。辨其貴賤之等。王南鄉。三公北面東上。孤東面北上。

卿大夫西面北上。王族故士虎士。在路門之右。南面東上。大僕大

右。大僕從者。在路門之左。南面西上。

此王日視朝。專於路門外之位。王族故士。故為士。晚退留宿衛者。未嘗仕。雖同族。不得在王宮。大右。司右也。大僕從者。小臣祭

僕御。僕隸僕。○朝直遙反。鄉許亮反。大音泰。下倣此。

司士擯。

詔王出揖公卿大夫以下朝者。

孤卿特揖。大夫以其等旅揖。士旁三揖。王還揖門左。揖門右。

特揖。一揖之旅。眾也。大夫爵同者。眾揖之。公及孤卿大夫。始入門。右皆北面東上。士揖之。乃就位。羣士及故士。大僕之屬。發在其位。羣士位東面。王西南鄉而揖之。三揖者。士有上中下。王揖之。皆遂遁。既復位。鄭司農云。卿大夫士皆君之所揖。禮春秋傳所謂三揖在下。○遁音巡。

大僕前。

前正王視朝之位。

司馬

司馬政官之職

七

承復堂

王入內朝皆退。

王入入路門也。王入路門內朝。朝者皆退。及其官府治處也。王之外朝則朝士掌焉。玉藻曰。朝服以日視朝於內朝。朝辨色始入。君日出而視之。退適路寢聽政。使人視大夫。大夫退。然後適小寢。謂諸侯也。王日視朝。皮弁服。其禮則同。

掌國中之士治。凡其戒令。

國中城中。

掌擯士者膳其摯。

擯士告見初為士者於王也。鄭司農云。膳其摯者。王食其所執羔鴈之摯。玄謂膳者入於王之膳人。○見賢遍反。食音嗣。

凡祭祀。掌士之戒令。詔相其灋事及賜爵。呼昭穆而進之。

賜爵。神惠及下也。此所賜王之子姓兄弟。祭統曰。凡賜爵。昭為一。穆為一。昭與昭齒。穆與穆齒。凡羣有司皆以齒。此之謂長幼。

有序。○相息亮反。長丁丈反。

帥其屬而割牲。羞俎豆。

割牲制體也。羞進也。

凡會同。作士從。賓客亦如之。

作士從。謂可使從於王者。○從才用反。

作士適四方使為介。

士使謂自以王命使也。介。大夫之介也。春秋傳曰。天王使石尚來歸脤。○脤上軫反。

大喪。作士掌事。

事謂奠斂之屬。

司豐

司馬政官之職

三

承慶堂

作六軍之士執披。

作謂使之也披。柩車行所以披持棺者有紐以結之謂之戴。鄭司農云披者扶持棺險者也。天子旁十二諸侯旁八大夫六士四。玄謂結披必當棺束於束繫紐。天子諸侯戴柩三束大夫士二束。喪六記曰君纁披六大夫披四前纁後玄士二披用纁人君禮文欲其數多。圍數兩旁言六耳其實旁三。披方寄反。

凡士之有守者令哭無去守。

守官不可空也。守守又反下皆同。

國有故則致士而頒其守。

故非喪則兵災。

凡邦國三歲則稽士任而進退其爵祿。

任其所掌治。

諸子掌國子之倅。掌其戒令與其教治。辨其等。正其位。

故書倅為卒。鄭司農云倅讀如物有副倅之倅。國子謂諸侯卿大夫士之子也。燕義曰古者周天子之官有庶子。官與周官諸子職同。文玄謂四民之業而士者亦世焉。國子者是公卿大夫士之副貳。戒令致於大子之事。教治脩德學道也。位朝位。倅七內反。大子音泰。

國有大事則帥國子而致於大子。惟所用之。若有兵甲之事則授之車甲。合其卒伍。置其有司。以軍法治之。司馬弗正。

軍。軍。百人為卒。五人為伍。弗不也。國子屬太子。司馬雖有軍士不賦之。正音征。下國正同。

凡國正弗及。

司馬

卷三

司馬政官之職

四

大司馬

大祭祀。正六牲之體。

正謂禮載之。

凡樂事。正舞位。授舞器。

位。猶處。

大喪。正羣子之服位。會同賓客。作羣子從。

從于王。

凡國之政事。國子存遊倅。使之脩德學道。春合諸學。秋合諸射。以攷其藝而進退之。

遊倅。倅之未仕者。學大學也。射射宮也。王制曰。春秋教以禮樂。冬夏教以詩書。王太子。王子。羣后之太子。卿大夫元士之適子。

國之俊選。皆造焉。○適丁歷反。

司右掌羣右之政令。

羣右。戎右。齊右。道右。○齊側皆反。

凡軍旅會同。合其車之卒伍。而比其乘。屬其右。

合。比。屬。謂次第相安習也。車亦有卒伍。○比毗志反。乘繩證反。屬音屬。

凡國之勇力之士。能用五兵者。屬焉。掌其政令。

勇力之士。屬焉者。選右當於中。司馬灋曰。弓矢圍。戈矛守。戈戟助。凡五兵。長以衛。短以救。長。○戈音殊。

虎賁氏。掌先後王而趨以卒伍。

王出將虎賁士居前後。雖羣行亦有局分。○賁音奔。先悉。薦反。後戶豆反。將子匠反。分扶問反。

司馬政官之職。

五

水

軍旅會同亦如之。舍則守王闕。

舍王出所止宿處闕。桂柅。○桂薄禮反。柅戶故反。

王在國則守王宮。

為周衛。

國有大故則守王門。大喪亦如之。

非常之難要在門。○難乃且反。

及葬從遣車而哭。

遣車王之魂魄所馮依。○從才用反。馮支冰反。

適四方使則從士大夫。

虎士從使者。

若道路不通有徵事則奉書以使于四方。

不通逢兵寇若泥水奉書徵師役也。春秋隱公七年冬戎伐凡伯于楚丘以歸。

旅賁氏掌執戈盾夾王車而趨。左八人右八人。車止則持輪。

夾王車者其下士也。下士十有六人。中士為之帥焉。○盾常準反。

凡祭祀會同賓客則服而趨。

服而趨夾王車趨也。會同賓客王亦齊服。服袞冕則此士之齊服。服玄端。

喪紀則衰葛執戈盾。

葛葛經。武士尚。○衰七雷反。

軍旅則介而趨

介被

節服氏掌祭祀朝覲袞冕六人維王之太常

服袞冕者從王服也維維之以縷王旌十二旒兩兩以縷綴連旁三人持之禮天子旌曳地鄭司農云維持之

諸侯則四人其服亦如之郊祀裘冕二人執戈送逆尸從車

裘冕者亦從尸服也裘大裘也凡尸服卒者之上服從車從尸車送逆之往來春秋傳曰晉祀夏郊董伯為尸

方相氏掌蒙熊皮黃金四目玄衣朱裳執戈揚盾帥百隸而時難

以索室毆疫

蒙肩也肩熊皮者以驚毆疫癘之鬼如今魃頭也時難四時作方相氏以難卻凶惡也月令季冬命國難索瘿也○難乃多反

註同毆起俱反魃音欺

大喪先匱

葬使之道○先匱悉薦反下音柩道音導

及墓入壙以戈擊四隅毆方良

壙穿地中也方良罔兩也天子之椁柏黃腸為裏而表以石焉國語曰木石之怪夔罔兩○壙苦見反方良上音罔下音兩註同夔求龜反

大僕掌正王之服位出入王之大命

服王舉動所當衣也位立處也出大命王之敎也入大命羣臣所奏行

掌諸侯之復逆

鄭司農云復謂奏事也逆謂受下奏

王眡朝則前正位而退入亦如之。

前正位而退道王王既立退居路門左待朝異

建路鼓于大寢之門外而掌其政。

大寢路寢也其門外則內朝之中如今宮殿端門下矣政鼓節與早晏

以待達窮者與遽令聞鼓聲則速逆御僕與御庶子。

鄭司農云窮謂窮寃失職則來擊此鼓以達於王若今時上變事擊鼓矣遽傳也若今時驛馬軍書當急聞者亦擊此鼓令聞此鼓聲則速逆御僕與御庶子也大僕主令此二官使速逆窮遽者玄謂窮達者謂司寇之屬朝士掌以肺石達窮民聽其辭以告于土遽令郵驛上下程品御僕御庶子直事鼓所者大僕聞鼓聲則速逆此二官當受其事以聞○傳張戀反令力宅反

垂音尤

祭祀賓客喪紀正王之服位詔灋儀贊王牲事。

詔告也牲事殺割七載之屬

王出入則自左馭而前驅。

前驅如今道引也道而居左自馭不駮乘辟王也亦有車右焉○乘繩證反辟音避

凡軍旅田役贊王鼓。

王通鼓佐擊其餘面

救日月亦如之。

日月食時春秋傳曰非日月之眚不鼓

司馬

司馬政官之職

八

禮記

大喪始崩。戒鼓傳達于四方。窆亦如之。

戒鼓擊鼓以警衆也。故書戒爲駭。鄭司農云。窆謂葬下棺也。春秋傳所謂日中而崩。禮記謂之封。皆葬下棺也。音相似。窆讀如慶。封汜祭之汜。○窆彼驗反。註之封音同。劉皆通。鄧反。埔補。鄧反。汜芳劍反。

縣喪首服之灋于宮門。

首服之灋。謂免髮笄總。廣狹長短之數。縣其書于宮門。示四方。○縣音玄。免音問。髮莊瓜反。

掌三公孤卿之弔勞。

王使往。○勞力報反。

王燕飲則相其灋。

相左右。○相息亮反。

王射則贊弓矢。

贊謂授之受之。

王眡燕朝則正位。掌摯相。

燕朝。朝于路寢之庭。王圖宗人之嘉事。則燕朝。

王不眡朝則辭于三公及孤卿。

辭謂以王不視朝之意告之。春秋傳曰。公有疾不視朔。

小臣掌王之小命。詔相王之小灋儀。

小命。時事所勅問也。小灋儀。趨行拱揖之容。

掌三公及孤卿之復逆。正王之燕服位。

司馬政官之職

司馬政官之職

九

水

謂燕居時也玉藻曰王卒食玄端而居

王之燕出入則前驅

燕出入若个游于諸觀苑个觀古喚反

大祭祀朝覲沃王盥

小祭祀賓客饗食賓射掌事如大僕之灋

賓射與諸侯來朝者射个盥音管

掌士大夫之弔勞

凡大事佐大僕

祭僕掌受命于王以眡祭祀而警戒祭祀有司糾百官之戒具

謂王有故不親祭也祭祀有司有事於祭祀者糾謂技錄所當其之牲物

既祭帥羣有司而反命以王命勞之誅其不敬者大喪復于小廟

小廟高祖以下也始祖曰太廟春秋僖八年秋七月禘於太廟

凡祭祀王之所不與則賜之禽都家亦如之

鄭司農云王之所不與謂非郊廟尊祭祀則王不與也則賜之禽公卿自祭其先祖則賜之禽也玄謂王所不與同姓有先王之廟个與音預註同

凡祭祀致福者展而受之

臣有祭事必致祭肉於君所謂歸胙也展謂錄視其牲體數體數者太牢則以牛左肩臂臠折九个少牢則以羊左肩七个特牲則以豕左肩五个个胙存故反臠奴報反折之舌反个古賀反

御僕掌羣吏之逆及庶民之復與其弔勞。

羣吏府史以下

大祭祀相盥而登。

相盥者謂奉饗授中與登謂為王登牲體於俎特牲饋食禮主人降盥出舉人乃七載○奉芳勇反為于偽反

大喪特襲。

襲棺飾也特之者夾屨車○襲所甲反

掌王之燕令。

燕居時之令

以序守路鼓。

序更○更音庚

隸僕掌五寢之埽除糞洒之事。

五寢五廟之寢也周天子七廟惟祧無寢詩云寢廟釋釋相連貌也前曰廟後曰寢汜埽曰埽埽席前曰拊洒灑也鄭司農云洒當為灑玄謂論語日子夏之門人當洒埽應對○埽素報反糞方問反洒所賣反祧勅彫反拊方問反灑所買反

祭祀脩寢。

於廟祭寢或有事焉月令凡新物先薦寢廟

王行洗乘石。

鄭司農云乘石王所登上車之石也詩云有扁斯石履之卑今謂上車所登之石○乘如字上時掌反下同扁邊典反

掌蹕宮中之事。

司禮

司馬政官之職

宮中在事則蹕鄭司農云蹕謂止行者清道若今時做蹕

大喪復於小寢大寢

小寢高祖以下廟之寢也始祖曰大寢

周禮卷三十一 終

周禮卷三十二

漢大司農北海鄭 玄註

皇明 後學東吳葛 鼎訂

司馬政官之職

弁師掌王之五冕皆玄冕朱裏延紐

冕服有六而言五冕者大裘之冕蓋無旒不聯數也延冕之覆在上是以名焉紐小鼻在武上笄所貫也今時冠卷當簪者廣表以冠縱其舊象與○數所主反卷起全反表音茂縱所貫反

五采纁十有二就皆五采玉十有二玉笄朱紘

纁雜文之名也合五采絲為之繩垂於延之前后各十二所謂遠延也就成也繩之每一而而貫五采玉十二旒則十二玉也

周禮

司馬政官之職

永懷堂

每就間蓋一寸朱絃以朱組為絃也絃一條屬兩端於武纜不言皆有不言者此為衰衣之冕十二旒則用玉二百八十八鬻衣之冕纜九旒用玉二百一十六鬻衣之冕七旒用玉百六十八希衣之冕五旒用玉百二十五衣之冕三旒用玉七十二○纜音早遂息遂反旒音留下同屬音燭鬻必滅反希張里反

諸侯之纜旒九就璫玉三采其餘如王之事纜旒皆就玉璫玉笄

侯當為公字之誤也三采朱白蒼也其餘謂延組皆玄覆朱裏與王同也出此則異纜旒皆就皆三采也每纜九成則九旒也公之冕用玉百六十二玉璫塞耳者故書璫作玩鄭司農云纜當為藻纜古字也藻今字也同物同音玩惡玉名○侯依注音公璫本又作璫亡貧反璫吐練反

王之皮弁會五采玉璫象邸玉笄

故書會作體鄭司農云讀如馬會之會謂以五采束髮也士喪禮曰檜用組乃笄檜讀與簡同書之異耳說日以組束髮乃著

笄謂之檜沛國人謂反紛為檜璫讀如棊車轍之棊女謂會謂如大會之會會縫中也璫讀如薄借棊之棊棊結也皮弁之纜中每貫結五采玉十二以為飾謂之棊詩云會弁如星又曰其弁伊棊是也邸下抵也以象骨為之○會劉古外反注同并璫檜二字亦同璫亦其著張略反紛音計抵丁禮反劉音帝

王之弁經弁而加環經

弁經王弼所服也其弁如爵弁而素所謂素冠也而加環經環經者大如繩之麻經纏而不糾司服職曰凡吊事弁經服

諸侯及孤卿大夫之冕韋弁皮弁弁經各以其等為之而掌其禁令

各以其等纜旒玉璫如其命數也冕則侯伯纜七就用玉九十八子男纜五就用玉五十纜玉皆三采孤纜四就用玉三十二三命之卿纜三就用玉十八再命之大夫藻再就用玉八藻玉皆朱綠韋弁皮弁則侯伯璫飾七子男璫飾五玉亦三采孤則

璽飾四，三命之卿璽飾三，再命之大夫璽飾二，玉亦二采，弁經之弁，其辟積如冕纁之就然，庶人弔者素委貌，一命之大夫冕而無旒，十變冕為爵弁，其韋弁皮弁之會無結飾，弁絕之弁不辟積，禁今者不得相僭踰也，玉藻曰：君未有命，不敢即乘服，不言冠弁，冠弁兼於韋弁皮弁矣，不言服弁，服弁自天子以下，無飾無等，○辟積必亦反。

司甲

闕

司兵掌五兵五盾，各辨其物，與其等，以待軍事。

五盾，干櫜之屬，其名未盡，聞也，等，謂功活上下，鄭司農云：五兵者，戈、殳、戟、酋矛、夷矛，○櫜音魯。

及授兵，從司馬之灋以頒之，及其受兵輸亦如之，及其用兵亦如之。

從司馬之法，令師旅卒兩人數所用多少也，兵輸謂師還，有司還兵也，用兵謂出給備守，○卒子忘反。

祭祀授舞者兵。

授以朱干，玉戚之屬。

大喪獻五兵。

故書獻為淫，鄭司農云：淫，陳也，淫，讀為獻，玄謂獻與也，與作明器之役，器五兵也，士喪禮下篇有甲冑干櫜，○獻虛金反，與虛應反，下同，幹字又作笱，側白反。

軍事建車之五兵，會同亦如之。

車之五兵，鄭司農所云者是也，步卒之五兵，則無夷矛而有弓矢。

司戈盾掌戈盾之物而頒之。

分與授用。

司甲

司馬政官之職

三

承慶堂

祭祀授旅賁。故士戈盾。授舞者兵亦如之。

亦頒之也。故士王族故士也。與旅賁。當事則衛王也。受如杖長。柔有四尺。

軍旅會同。授貳車戈盾。建乘車之戈盾。授旅賁及虎士戈盾。

乘車。王所乘車也。軍旅則韋路。會同則金路。○乘繩。證反。後乘馬。陪乘。參乘。皆準此注。依字。

及舍。設藩盾。行則欽之。

舍。止也。藩。盾。盾可。以衛者。如今之扶蘇。與。

司弓矢。掌六弓四弩八矢之灋。辨其名物。而掌其守藏。與其出入。

法。曲直長短之數。

中春獻弓弩。中秋獻矢箛。

弓弩成於和。矢箛成於堅。箛。盛矢器也。以獸皮爲之。○中音仲。箛音服。盛音成。

及其頒之。王弓。弧弓。以授射甲革。楛質者。夾弓。廋弓。以授射豸。侯鳥獸者。唐弓。大弓。以授學射者。使者。勞者。

王。亦夾。庾。唐。大。六者。弓異體之名也。往體寡。來體多。曰王。弧。往體多。來體寡。曰夾。庾。往體來體若一。曰唐。大。甲。革。革。甲也。春秋傳曰。樽甲而射之。質。正也。樹。楛。以爲射正。射甲與楛。試弓習武也。豸。侯。五十步。及射鳥獸。皆近射也。近射用弱弓。則射大侯者。用王。弧。射參侯者。用唐。大。矣。學射者。弓用中。後習強弱。則易也。使者。勞者。弓亦用中。遠近可也。勞者。勤勞。王事。若晉。文。侯。文。公。受王。弓。矢。之。賜者。故書。楛。爲。難。鄭。司。農。云。楛。字。或。作。難。非。是。也。國。師。職。曰。射。則。充。楛。質。又。此。司。弓。矢。職。曰。澤。共。射。楛。質。之。弓。矢。言。射。楛。質。自。有。弓。謂。王。弧。弓。也。以。此。觀。之。言。難。質。者。非。○射。甲。食。亦。反。下。以。意。求。之。楛。張。林。反。豸。音。岸。使。者。所。吏。反。注。同。隣。音。存。易。以。鼓。反。

其矢箠皆從其弓。

從弓數也。每弓者一箠百矢。

凡弩夾庠利攻守。唐大利車戰野戰。

攻城壘者與其自守者相迫近。弱弩發疾也。車戰野戰進退非強則不及。弩無王弧。王弧恒服弦。往體少者使矢不疾。

凡矢在矢黎矢利火射。用諸守城車戰。殺矢鏃矢用諸近射田獵。

增矢第矢用諸弋射。恒矢痺矢用諸散射。

此八矢者。弓弩各有四焉。在矢殺矢。增矢恒矢。弓所用也。黎矢鏃矢。第矢痺矢。弩所用也。在矢者。取名變星。飛行有光。今之飛矛是也。或謂之兵矢。黎矢象焉。者皆可結火以射敵守城車戰。前於重後最輕。行疾也。殺矢言中則死。鏃矢象焉。鏃之言候也。二者皆可以司候射敵之近者及禽獸前尤重。中深而不可遠也。結繳於矢謂之增。增高也。第矢象焉。第之言劑也。二者皆

可以弋飛鳥。剗羅之也。前於重又微輕。行不低也。詩云。弋鳧與鴈。恒矢安。居之矢也。痺矢象焉。二者皆可以散射也。謂禮射及習射也。前後訂其行平也。凡矢之制。在矢之屬。五分。二在前。三在後。殺矢之屬。參分。一在前。二在後。增矢之屬。七分。三在前。四在後。恒矢之屬。輶中。所謂志也。鄭司農云。痺矢讀為人罷短之罷。玄謂痺。讀如痺病之痺。痺之言倫比。鏃音候。增音增。第扶弗反。中丁仲反。下中。深射中。同繳。章藥反。剗。孚物反。輶。定周反。彈。方二反。比。毗志反。

天子之弓。合九而成規。諸侯。合七而成規。大夫。合五而成規。士。合

三而成規。句者謂之弊弓。

體往來之衰也。往體寡。來體多。則合多。往體多。來體寡。則合少。而圓弊猶惡也。句者惡。則直者善矣。弊。婢世反。衰。初危反。

凡祭祀共射牲之弓矢。

射牲。示親殺也。殺牲非尊者所親。惟射為可。國語曰。禘郊之事。天子必自射其牲。

澤共射湛質之弓矢。

鄭司農云澤澤宮也所以習射選士之處也射義曰天子將祭必先習射於澤澤者所以擇士也巳射於澤而后射於射宮射中者得與於祭一與音預

大射燕射兵弓矢如數并夾。

如數如當射者之數也每人一弓乘矢并夾矢籥也。乘繩澄反籥劉奴輒反又女十反

大喪共明弓矢。

弓矢明器之用器也士喪禮下篇曰用器弓矢

凡師役會同頒弓弩各以其物從授兵至之儀

物弓弩矢箠之屬。從才用反

田弋充籠箠矢共矰矢。

籠竹箠也矰矢不在箠者為其相繞相將用乃共之。為于偽反

凡亡矢者弗用則更。

更償也。用而棄之則不償

繕人掌王之用弓弩矢箠矰弋挾拾。

鄭司農云挾者所以縱弦也拾者所以引弦也詩云挾拾既次詩家說或謂挾謂引弦彊也拾謂鞬扞也玄謂挾挾矢時所以持弦飾也著右手巨指十喪禮曰挾用正王棘若釋棘則天子用象骨與鞬扞著左臂裏以韋為之。彊若侯反鞬古侯反扞胡旦反著丁略反

掌詔王射。

司農

司馬政官之職

水

承襲堂

告王當射之節

贊王弓矢之事。

授之受之

凡乘車充其籠箠載其弓弩。

充籠箠以盛矢

既射則斂之。

斂藏之也詩云彤弓召兮受言藏之○昭昌遙反

無會計。

亡敗多少不計○會古外反下大會同後放此

豪人掌受財于職金以齎其工。

齎其工者給市財用之直○齎音咨後皆同

弓六物為三等弩四物亦如之。

三等者上中下人各有所宜弓人職曰弓長六尺六寸謂之上制上士服之弓長六尺三寸謂之中制中士服之弓長六尺謂之下制下士服之弩及矢箠長短之制未聞

矢八物皆三等箠亦如之春獻素秋獻成。

矢箠春作秋成

書其等以饗工。

鄭司農云書工攻拙高下之等以制其饗食也玄謂饗酒有勞之也上工作上等其饗厚下工作下等其饗薄○勞洛報反

司農

司馬政官之職

承讓堂

乘其事。試其弓弩。以下上其食而誅賞。

鄭司農云。乘。計也。計其事之成功也。故書試為考。玄謂考之而善。則上其食。尤善。又賞之。否者反此。○下上。時掌反。注同。

乃入功于司弓矢及繕人。

成功。

凡齋財與其出入皆在橐人。以待會而攷之。亡者闕之。

皆在橐人者。所齋工之財。及弓弩矢箠。出人其薄書。橐人藏之。闕。猶除也。弓弩矢箠棄亡者除之。計今見在者。○見賢遍反。

戎右掌戎車之兵革使。

使謂王使以兵有所誅斬也。春秋傳曰。戰於殺。晉梁弘御戎。萊駒為右。戰之明日。襄公縛秦囚。使萊駒以戎斬之。○使色吏反。注使謂同。

詔贊王鼓。

既告王當鼓之節。又助擊之。

傳王命于陳中。

為王大言之也。○陳直慎反。為于偽反。

會同充革車。

會同。玉雖乘金路。猶以革路從行也。充之者。謂居左也。曲禮曰。乘君之乘車。不敢曠左。

盟則以玉敦辟盟。遂役之。

鄭司農云。敦。器名也。辟。法也。玄謂將歃血者。先執其器為眾陳其載辭。使心皆開辟也。役之者。傳敦血授當歃者。○敦音對。

贊牛耳。桃茆。

司馬

卷三

司馬政官之職

八

承慶堂

鄭司農云贊牛耳春秋傳所謂執牛耳者故書芻為滅杜子春云滅當為厲玄謂尸盟者割牛耳取血助為之及血在敦中以桃芻沸之又助之也耳者盛以珠盤尸盟者執之桃鬼所畏也芻若帚所以掃不祥○芻音列盛音成若音條帚之受反

齊右掌祭祀會同賓客前齊車王乘則持馬行則陪乘

齊車金路王自整齊之車也前之者已駕王未乘之時陪乘參乘謂居右也齊右與齊僕同車而有祭祀之事則兼王路之右然則戎右兼田右與○齊側皆反下齊車齊僕皆同

凡有牲事則前馬

王見牲則拱而式居馬前卻行備驚奔也曲禮曰國君下宗廟式齊牛

道右掌前道車王出入則持馬陪乘如齊車之儀

道車象路也王行道德之車

自車上諭命于從車

自由○從才用反

詔王之車儀

顧式之屬

王式則下前馬王下則以蓋從

以蓋從表尊

大馭掌馭王路以祀及犯軼王自左馭馭下祀登受轡犯軼遂驅之

行山曰軼犯之者封土為山象以菩芻棘栢為神主既祭之以車轅之而去喻無險難也春秋傳曰跋涉山川自由也王由左

司豐

卷三

司馬政官之職

九

承襲堂

馭禁制馬使不行也。故書軛作罰。杜子春云：罰當為軛。軛讀為別異之別。謂祖道轅軛大也。詩云：載謀載惟。取蕭祭脂。取瓶以軛。詩家說曰：將出祖道，犯軛之祭也。聘禮曰：乃舍軛飲酒于其側。禮家說亦謂道祭。○軛蒲未反。注跋涉同。菩音倍。轅音歷。難乃旦反。別彼列反。磔陟格反。瓶丁兮反。舍音釋。

及祭酌僕。僕左執轡，右祭兩軛。祭軛乃飲。

故書軛為軛，軛為範。杜子春云：文當如此。左不當重，亦非是。書亦或如子春言。又云：軛當作軛，軛謂兩軛也。其或言軛亦非是。又云：軛當為範。範謂車前軛也。或讀軛為替筭之筭。○軛音止。軛音犯。注軛同。斬劉音雞。重直龍反。軛音衛。軛當媿美反。又音犯。

凡馭路行以肆夏，趨以采薺。

凡馭路，謂五路也。肆夏，采薺樂章也。行，謂大寢至路門趨，謂路門至應門。○薺才私反。

凡馭路儀以鸞和為節。

舒疾之法也。鸞在衡和在軾，皆以金為鈴。

戎僕掌馭戎車。

戎車，革路也。師出，王乘以自將。○將子匠反。

掌王倅車之政，正其服。

倅，副也。服，謂衆乘戎車者之衣服。○倅七內反。

犯軛如玉路之儀。凡巡守及兵車之會，亦如之。

如在軍

掌凡戎車之儀。

周禮

卷三 司馬政官之職

十

承讓堂

凡戎車，衆之兵車也。書序曰：武王戎車三百兩。

齊僕掌馭金路以賓。

以待賓客。

朝覲宗遇饗食，皆乘金路。其灋儀各以其等。為車送逆之節。

節，謂王乘車迎賓客及送相去遠近之數。上公九十步，侯伯七十步，子男五十步。司儀職曰：車逆拜，又曰：及出車送。

道僕掌馭象路，以朝夕燕出入。其灋儀如齊車。

朝夕，朝朝莫夕。○朝夕直遙反。朝朝上如字，莫夕音暮。

掌貳車之政令。

貳，亦副。

田僕掌馭田路，以田以鄙。

田路，水路也。田，田獵也。鄙，循行縣鄙。○行下孟反。

掌佐車之政。

佐，亦副。

設驅逆之車。

驅，驅禽使前趨獲。逆，御還之。使不出圍。○衙本又作御，同。五，嫁反。

令獲者植旌。

以告獲也。植，樹也。

及獻比禽。

月禮

卷三 司馬政官之職

七

承懷堂

田弊獲者各獻其禽。此種物相從。次數之。○比毗志反。

凡田王提馬而走。諸侯晉大夫馳。

提。衡舉也。晉。猶抑也。使人叩而舉之。抑之。皆上奔也。馳。放不扣。

馭夫掌馭貳車。從車使車。

貳車。象路之副也。從車。戎路田路之副也。使車。驅逆之車。

分公馬而駕治之。

乘調六種之馬。

周禮三十二終

周禮卷三十三

漢大司農北海鄭玄註

皇明後學東吳金蟠訂

司馬政官之職

授人掌王馬之政。

政。謂差擇養乘之數也。月。令。曰。班馬政。

辨六馬之屬。種馬一物。戎馬一物。齊馬一物。道馬一物。田馬一物。駕馬一物。

種。謂上善似母者。以次差之。玉路。駕種馬。戎路。駕戎馬。金路。駕齊馬。象路。駕道馬。田路。駕田馬。駕馬。給官中之役。

凡頒良馬而養乘之。乘馬一師四圉。三乘為阜。阜一趣馬。三阜為繫。繫一馭夫。六繫為廐。廐一僕夫。六廐成技。技有左右。駕馬三良馬之數。麗馬一圉。八麗一師。八師一趣馬。八趣馬一馭夫。

良善也。善馬五路之馬。鄭司農云。四匹為乘。養馬為圉。故春秋傳曰。馬有圉。牛有牧。玄謂二耦為乘。師趣馬馭夫僕夫。師之名也。趣馬下士。馭夫中士。則僕夫上士也。自乘至廐其數三百一十六匹。易乾為馬。此應乾之策也。至技變為言成者。明六馬為一廐。而王馬小備也。技有左右。則良馬一種者。四百三十二匹。五種合二千一百六十四。駕馬三之。則為千二百九十六。良一駕。凡三千四百五十六。然後王馬大備。詩云。駉牝三千。此謂王馬之大數與。麗耦也。駕馬自圉至馭夫。凡馬千二十四匹。與三良馬之數不相應。八皆宜為六。字之誤也。師十二匹。趣馬七十二匹。則馭夫四百三十二匹矣。然後而三之。既三之。無僕夫者。不駕於五路。卑之也。○乘繩證反。注。同阜才。早反。趣。倉走反。繫音計。廐九又反。

天子十有二閑。馬六種。邦國六閑。馬四種。家四閑。馬二種。

絳殺之差。每廐為一閑。諸侯有齊馬道馬田馬大夫有田馬。各一閑。其駕馬則皆分為三焉。○殺所界反。

凡馬特居四之一。

欲其乘之性相似也。物同氣則心。鄭司農云。四之一者。三牝一牡。

春祭馬祖。執駒。

馬祖。天駟也。孝經說曰。房為龍馬。鄭司農云。執駒無令近母。猶攻駒也。二歲曰駒。三歲曰駉。玄謂執猶拘也。春通淫之時。駒弱血氣未定。為其乘匹傷之。○令力。呈反。下令皆同。駉音肇。為于僞反。

夏祭先牧。頒馬攻特。

先牧始養馬者。其人未聞。夏通淫之後。攻其特。為其蹄齧。不可乘用。鄭司農云。攻特謂蹶之。○蹶音繩。

秋祭馬社臧僕

馬社始乘馬者世本作曰相士作乘馬鄭司農云臧僕謂簡練馭者令皆善也玄謂僕馭五路之僕○相息亮反

冬祭馬步獻馬講馭夫

馬步神為災害馬者獻馬見成馬於王也馭夫馭貳車從車使車者講猶簡習○見賢遍反從才用反

凡大祭祀朝覲會同毛馬而頒之

毛馬齊其色也頒授當乘之

飾幣馬執扑而從之

鄭司農云校人主飾之也幣馬以馬遺人當幣處者也聘禮曰馬則北面奠幣于其前士喪禮下篇曰薦馬纓三就入門北面交纓聞人夾牽之馭者執策立于馬後○遺惟季反

凡軍事物馬而頒之

物馬齊其力

等馭夫之祿

馭夫於馭馬僕夫為中舉中見上下

宮中之稍食

師圍府史以下也鄭司農云稍食曰廩

趣馬掌贊正良馬而齊其飲食簡其六節

贊佐也佐正者謂校人臧僕講馭夫之時簡差也節猶量也差擇王馬以為六等

掌駕說之頒

周禮 卷三 司馬政官之職 三 永懷堂

用馬之第次
○說始銳反

辨四時之居治以聽馭夫

居謂牧所處治為執
駒文特之屬○房音雅

巫馬掌養疾馬而乘治之相醫而藥攻馬疾受財于控人

乘謂驅步以發其疾知所疾處
乃治之相助也○相息亮反

馬歾則使其賈彌之入其布于控人

布泉也鄭司農云賈謂其屬官
小吏賈一人謝賈也○賈音育

牧師掌牧地皆有厲禁而頒之

頒馬授圍
者所牧處

孟春焚牧

焚牧地以除
陳生新草也

中春通淫

中春陰陽交萬物生之時可以合馬之牝牡也月令季春乃合
累牛騰馬遊牝于牧秦時書也秦地寒涼萬物後動○中音仲
累力
追反

掌其政令凡田事贊焚萊

焚萊者山
澤之虞

廋人掌十有二閑之政教以阜馬佚特教駢攻駒及祭馬祖祭閑
之先牧及執駒散馬耳圍馬

周禮

司馬政官之職

四

職

九者皆有政教焉。阜盛壯也。詩云：四牡孔阜。杜子春云：佚當為逸。鄭司農云：馬三歲曰駢，二歲曰駒。散讀為中散大夫之散。謂駢馬耳。母令善驚也。玄謂逸者用之不使甚勞，安其血氣也。散駢始乘習之也。攻駒制其蹄齧者，閑之先牧。先牧制閑者，散馬耳。以竹括押其耳，頭動搖則括中物，後遂串習，不復驚。○駢古活反，母音無，令力呈反，中物丁仲反，復扶又反。

正授人員選

授人謂師圍也。正員選者，選擇可備員者平之。

馬八尺以上為龍，七尺以上為駃，六尺以上為馬。

大小異名爾雅曰：駃，牡驪，牝玄駒，駃駃，鄭司農云：以月令曰：駕蒼龍。○駃奴了反。

圉師掌教圉人養馬。春除蓐，釁廄，始牧。夏序馬，冬獻馬。射則克楛，質茨，牆則翦闔。

蓐，馬茲也。馬既出而除之，新釁焉。神之也。春秋傳曰：凡馬，日中而出，日中而入。故字序為設。鄭司農云：當為序。玄謂序，廄也。廄所以庇馬涼也。充，猶居也。茨，蓋也。闔，苦也。楛，質翦闔，圉人所習也。杜子春讀楛為齊人言缺楛之楛。楛質所射者，習射處。○蓐音辱，茨在私反，廄七甫反，射食亦反。

圉人掌養馬芻牧之事，以役圉師。

役者圉師使令焉。

凡賓客喪紀，牽馬而入陳。

賓客之馬，王所以賜之者。詩云：雖無予之路車乘馬，喪紀之馬，啓後所薦馬。

廄馬亦如之。

廄馬，遣車之馬，人捧之，亦牽而入陳。○捧扶，茨反。

職方氏掌天下之圖以掌天下之地辨其邦國都鄙四夷八蠻七
閩九貉五戎六狄之人民與其財用九穀六畜之數要周知其利
害

天下之圖如今司空輿地圖也鄭司農云東方曰夷南方曰蠻
西方曰戎北方曰貉狄玄謂閩蠻之別也國語曰閩芋蠻矣四
八七九五六周之所服國數也財用泉穀貨賄也利金錫竹箭
之屬害神姦鑄鼎所象百物也爾雅曰九夷八蠻六戎五狄謂
之四海○閩亡巾反貉孟
白反畜許六反劉音如

乃辨九州之國使同貫利

賈事也

東南曰揚州其山鎮曰會稽其澤藪曰具區其川三江其浸五湖

其利金錫竹箭其民二男五女其畜宜鳥獸其穀宜稻

鎮名山安地德者也會稽在山陰大澤曰藪具區五湖在吳南
浸可以為陂灌漑者錫鑱也箭篠也鳥獸孔雀鸞鳩鵲犀象之
屬故書箭為管杜子春云晉當為箭書亦或為箭○陂
彼宜反漑古愛反鑱音臘篠素了反鳩音交鵲音稽

正南曰荊州其山鎮曰衡山其澤藪曰雲夢其川江漢其浸潁湛

其利丹銀齒革其民一男二女其畜宜鳥獸其穀宜稻

衡山在湘南雲夢在華容潁出陽城宜屬豫州在此非也湛未
聞齒象齒也革犀兕革也杜子春云湛讀當為人名湛之湛湛
或為淮○
膺亡貢反

河南曰豫州其山鎮曰華山其澤藪曰圃田其川滎雒其浸波澆

其利漆絲枲其民二男三女其畜宜六擾其穀宜五種

華山在華陰，圃田在中牟，滎，兗水也，出東垣，入于河，沃為滎，滎在滎陽，波讀為播，禹貢曰：滎播既都。春秋傳曰：楚子除道梁，滎營軍臨隨，則滎宜屬荊州。在此非也。林竹木也。六擾，馬牛羊豕犬雞五種。黍稷菽麥稻。○滎音詐，都本或作豬。

正東曰青州，其山鎮曰沂山，其澤藪曰望諸，其川淮泗，其浸沂沐。

其利蒲魚，其民二男二女，其畜宜雞狗，其穀宜稻麥。

沂山，沂水所出也，在蓋，聖諸明都也，在睢陽，沐出東莞，二男二女，數等似誤也，蓋當與兗州同。二男三女，鄭司農云：淮或為睢，沐或為洙。○沐音述。

河東曰兗州，其山鎮曰岱山，其澤藪曰大野，其川河泲，其浸廬維。

其利蒲魚，其民二男三女，其畜宜六擾，其穀宜四種。

岱山在博，大野在鉅野，廬維當為雷雍，字之誤也。禹貢曰：雷夏既澤，雍沮會同，雷夏在城陽，四種黍稷稻麥。○泲，子禮反。

正西曰雍州，其山鎮曰嶽山，其澤藪曰弦蒲，其川涇汭，其浸渭洛，其利玉石，其民三男二女，其畜宜牛馬，其穀宜黍稷。

嶽，吳嶽也，及弦蒲在涇，涇出涇陽，汭在幽地，詩大雅公劉曰：汭之即洛，洛出懷德，鄭司農云：弦或為汧，蒲或為浦。○雍於用反，汭如銳反，汧口千反，坵，弓六反，詩作鞠。

東北曰幽州，其山鎮曰醫無閭，其澤藪曰糞養，其川河泲，其浸菑，其利魚鹽，其民一男三女，其畜宜四擾，其穀宜三種。

醫無閭在遼東，糞養在長廣，菑出萊蕪，時出般陽，四擾，馬牛羊豕三種。黍稷稻，杜子春讀糞為奚。○糞音兮，般步干反。

河內曰冀州，其山鎮曰霍山，其澤藪曰楊紆，其川漳，其浸汾潞，其利松柏，其民五男三女，其畜宜牛羊，其穀宜黍稷。

霍山在襄陽府所在未聞漳出長子汾出汾陽路出歸德○汾扶文反長于下文反

正北曰并州其山鎮曰恒山其澤藪曰昭餘祁其川虜池嘔夷其浸淶易其利布帛其民二男三女其畜宜五擾其穀宜五種

恒山在上曲陽昭餘祁在鄆虜池出鹵城嘔夷與出平舒漆出廣昌易出故安五擾馬牛羊犬豕五種黍稷菽麥稻也凡九州及山鎮澤藪言曰者以其非一曰其大者耳此州界揚荆豫兗雍冀與禹貢略同青州則徐州地也幽并則青冀之北也無徐梁○虜喚胡反池徙多反區烏侯反

乃辨九服之邦國方千里曰王畿其外方五百里曰侯服又其外方五百里曰甸服又其外方五百里曰男服又其外方五百里曰采服又其外方五百里曰衛服又其外方五百里曰蠻服又其外

方五百里曰夷服又其外方五百里曰鎮服又其外方五百里曰藩服

服服事天子也詩云侯服于周

凡邦國千里封公以方五百里則四公方四百里則六侯方三百里則七伯方二百里則二十五子方百里則百男以周知天下

以此率徧知四海九州邦國多少之數也方千里者為方百里者百以方三百里之積以九約之得十一有奇云七百者字之誤也周九州之界方七千里七七四十九方千里者四十九其一為畿內餘四十八八州各有方千里者六周公變殷湯之制雖小國地皆方百里是每事言則者設法也設法者以待有功而大其封一州之中以其千里封公則可四又以其千里封侯則可六又以其千里封男則可十一又以其千里封子則可二十五又以其千里封男則可百公侯伯子男亦不是過也州二

司農

司馬政官之職

司農

百一十國以男備其數焉其餘以為附庸四海之國黜陟之功亦如之雖有大國爵稱子而已鄭司農云此制亦見大司徒職曰諸公之地方五百里諸侯之地方四百里諸伯之地方三百里諸子之地方二百里諸男之地方百里○率音律奇紀宜反見賢遍反

凡邦國小大相維。

大國比小國小國事大國各有屬相維聯也○比毗忘反

王設其牧。

選諸侯之賢者為牧使牧理之

制其職各以其所能。

牧監參伍之屬用能所任秩次

制其貢各以其所有。

國之地物所有

王將巡守則戒于四方曰各修平乃守汝乃職事無敢不敬戒國

有大刑。

乃猶女也守謂國竟之內職事所當共具○女音汝竟音境其音恭

及王之所行先道帥其屬而巡戒令。

先道先由王所從道君前行其前日所戒之令

王殷國亦如之。

殷猶衆也十二歲王若不巡守則六服盡朝謂之殷國其戒四方諸侯與巡守同○朝直遙反

同豐

司馬政官之職

水覆堂

周禮 卷三 大司馬 第五

土方氏掌土圭之法以致日景。
致日景者夏至景尺有五寸冬至景丈三尺其間則日有長短

以土地相宅而建邦國都鄙。

土地猶度地知東西南北之澗而相其可居者宅居也。相息亮反度待洛反澗尸陽反

以辨土宜土化之灋而授任地者。

土宜謂九穀值穉所宜也土化地之輕重糞種所宜用也任地者載師之屬

王巡守則樹王宮。

為之藩羅

懷方氏掌來遠方之民致方貢致遠物而送迎之達之以節。

遠方之民四夷之民也諭德延譽以來之遠物九州之外無貢灋而至者達民以旌節達貢物以璽節

治其委積館舍飲食。

續食其往來。續食音嗣

合方氏掌達天下之道路。

津梁相奏不得陷絕

通其財利。

茂遷其有無

同其數器。

權衡不得有輕重

大司馬

大司馬司馬政官之職

一

大司馬

壹其度量。

尺丈金鍾不得有大小。

除其怨惡。

怨惡，邦國相侵虐。

同其好善。

所好所善，謂風俗所高尚。好呼報反。

訓方氏掌道四方之政事，與其上下之志。

道猶言也。為王說之四方諸侯也。上下，君臣也。為于偽反。

誦四方之傳道。

天長

傳道，世世所傳說往古之事也。為王誦之。若今論聖德善元氣之道矣。故書傳為傳。杜子春云：傳當作傳，書亦或為傳。傳直專同。反注。

正歲則布而訓四方。

布告以教天下，使知世所善惡。

而觀新物。

四時於新物出則觀之，以知民志所好惡。志淫行僻，則當以政教化正之。惡鳥路反。行辟，下孟反。下匹亦反。

形方氏掌制邦國之地域，而正其封疆，無有華離之地。

杜子春云：離當為雜。書亦或為雜。或謂華讀為狐。咥之狐，正之使不狐。邪離絕。

使小國事大國，大國比小國。

司禮

司馬政官之職

上

天長

比猶親也。易比象曰：先王以建萬國。親諸侯。

山師掌山林之名。辨其物與其利害。而頒之于邦國。使致其珍異之物。

山於之名與物。若岱。畎。絲。泉。嶧。陽。孤。桐。矣。利其中人。用者害。毒物及螫噬之蟲獸。○賦。古。犬。反。聲。音。釋。

川師掌川澤之名。辨其物與其利害。而頒之于邦國。使致其珍異之物。

川澤之民與物。若泗。濱。浮。磬。淮。夷。蠙。珠。鬚。魚。澤。之。雝。蒲。○。蟻。薄。田。反。

邊師掌四方之地名。辨其丘陵墳衍。邊隰之名。

地名。謂東原。大陸之屬。○。邊。音。原。

物之可以封邑者。

物之。謂相其土地。可以居民立邑。○。相。息。亮。反。

匡人掌達瀆。則匡邦國而觀其憲。使無敢反側。以聽王命。

瀆。則。八。瀆。八。則。也。邦。國。之。官。府。都。鄙。亦。用。焉。應。姦。偽。之。惡。也。反。側。猶。背。違。瀆。度。也。書。曰。無。反。無。側。王。道。正。直。

擇人掌誦王志。道國之政事。以巡天下之邦國而語之。

道。猶。言。也。以。王。之。志。與。政。事。諭。說。諸。侯。使。不。迷。惑。

使萬民和說而正王面。

面。猶。鄉。也。使。民。之。心。曉。而。正。鄉。王。○。說。音。悅。鄉。許。亮。反。

都司馬掌都之士庶子。及其象。賡。車。馬。兵。甲。之。戒。令。

司馬

大司馬司馬政官之職

十一

禮記

庶子，卿大夫士之子。車馬兵甲，備軍發卒。

以國廩掌其政學。

政，謂賦稅也。學，修德學道。○政音征。

以聽國司馬。

聽者，受行其所徵為也。國司馬，大司馬之屬皆是。

家司馬亦如之。

大夫家臣為司馬者，春秋傳曰：叔孫氏之司馬饒戾。○饒子公反。

周禮卷三十三 終

